

蘄州志卷之十一

知蘄州事虞山錢 鑿纂輯

人物志

孝友

行修於門內而譽聞於鄉黨士大夫不足奇也州人稱孝子里久矣匹夫孺子一念之誠其至性有過人者愈不得泯焉

明

劉瑄字本玉博學多聞事親至孝中正統辛酉鄉試

蘄州志

卷之十一

孝友

執父喪盡禮仕河南教職迎母就養扁其室曰祿養士夫詩有忠孝先生兩得之之句

馮鵬字翀霄少能文百行修整學者稱獨齋先生十試於鄉不過晚入太學祭酒湛公若水極推重之

父病日侍湯藥夜露處戶外得濕疾卒子天馭舉進士為御史贈如其官大學士徐公少湖銘其墓

壽儒字宗魯荆藩伴讀章之子成化丁未進士歷官工部主事父冬月畏寒儒每以身溫之母嘗有疾

不喜食儒亦不食鄉薦後例贈坊牌工費數百金



卻之不得盡以周族屬親戚之貧者其孝且仁如此

顧濂字繼周性至孝任衛輝府經歷時二親已棄養濂額其居曰永懷國子學正林琚爲作記郡人宋誠有詩曰永懷留翰墨足繼白華詩

顧敦字化之性警敏有卓識敦睦族愛異母弟素喜陽明則言及宋儒詩每令人歌誦以自適以子問貴封

姜梅字實之世爲荆府羣牧百戶蚤孤寡甚人皆勸

今承襲弗聽饋粥不給銳意於學爲郡名諸生弟死恤其孤如已子嘉靖二十二年舉鄉試卒

宋璧詳之子誠之姪任綦江縣主簿以親老謝事歸朝夕侍養惟謹親歿哀毀踰禮廬墓三年

陳昇字九霄早喪父事母劬至孝每於旁舍得異味必懷以奉母以貢任無極縣主簿迎母就養母年已八十餘矣昇奉養備至九年秩滿而母尚無恙後奉母致仕歸

羅天立蕪人傭工奉母母病割股救之人稱其地曰

孝子里

李言聞字子郁號月池性至孝博洽經史里中有弟
爭兄田訟甚苦言聞具酒食召欲解之訟者亦來
集醉鬪如前言聞大悲痛入跪考靈牀下日無狀
不能感閻里訟者聞之大笑後數年訟者死獄中
族人瓜分遺田言聞爲歛葬焉精于醫官太醫著
有醫學八脉註子時珍另傳按舊志言聞入方伎
今叅白茅堂本傳
李儒字東池生平好施與歲凶盡家貲散賑全活甚
衆家貧志不少變年四十二卒子同春得春孟春

盛春際春一時文武貴顯咸以爲德報也以子盛
春誥贈副都御史祀鄉賢

李同春號仰池誥封都憲公長子武而能文父早喪
教諸弟成名襲職領漕運運軍折米五百餘石先
自解囊完納衆免破產追賠累歸至途聞親病篤
號泣思歸水漿不入者五晝夜忽夢河神曰吾念
汝孝許雙艘先歸可速行明午東河矣如是者三
同春曰神不我欺遂行抵淮淮撫怒超次以神語
對撫囚以觀驗至午狂飈驟起須臾水凍奇而釋

之同春先世息縣人念同姓在息無通籍者擇族
人子若星撫而教之十年登第後爲兵部尚書親
親之諒知人之明同春有焉陞廣西都司屢建奇
功擢思恩叅將乞養歸樹碑於堂曰世世同居子
楷棟嗣職

李樸字質甫事親孝善屬文副憲際春長子執憲副
公喪哀毀過甚及葬有術士私樸曰是日利某不
利公樸叱曰某吾弟也汝欲不利某耶妹適黃梅
生員瞿平年十八而寡樸爲資掖者四十八年得

予坊表捐造馬口橋瘞暴骸濟貧之義聲尤著兩
中副車授廣西鹽運提舉著有存笥稿詩文祀鄉
賢

陳添順字汝愛甫六歲執父喪若成人扶柩山中雷
雨驟至沙土盆集成塚羣驚爲至孝所感事母及
伯兄俱委曲承順足風族黨云

國朝

王廷詔諸生幼事父有孝行父歿與妻張氏侍母向
盡歡吳逆亂廷詔奉向避賊於黑山洞口負米以

養採椽自給值疆寇劫奪張以身蔽向連受三刃
寇尋釋之向病疽穢甚張口吮無難色及向歿廷
詔廬墓三載乾隆五年並旌

余藩事母孝崇禎癸未遭獻賊難以母柩在堂悲號
不忍離爲賊所害妻張氏年二十四夫亡守節垂
六十年乾隆九年並旌

李由虞字宗舜性仁厚事父母依依孺慕少時遇相
士言子顙高指扁恐妨親未幾父喪虞乃磨其顙
指至血出不覺旣葬常坐卧墓側懷棗栗果品瘞

墓前悲號竟日事孀母未嘗少離左右後居母喪
如其父喪乾隆十年以母節子孝並蒙旌典

張仕秀字雲龍天性篤摯父背生癰爲吮膿血母患
目疾嘗舐其鬚親歿廬墓三年繪親像懸堂中坐
卧不離逢生忌日素服哭奠數十年如一日兄弟
五人交相友愛有司以聞建坊旌表

李橫字萃甫歲貢生孟春子少以孝聞崇禎癸未獻
逆襲蘄弟挺以罵賊死橫殮之一痛幾絕康熙癸
卯盧副使修州志其軼事不傳者橫極力搜輯志

爲完書以子本衍貴贈文林郎年七十二卒

王玉龍字時可內行醇備篤性孝友值明季寇難家破承平後玉龍居積節縮家復饒兩兄早世撫諸姪如已子析箸腴產悉推予之爲人方嚴公直鄉里比之彥方子綏猷欽猷亮猷皆以學行知名孫開泰選庶常開運進士房山令開藩舉人官鹽大使開銓舉人官行人開翰超儒俱諸生開畿開寅俱太學生以孫開銓貴贈文林郎

熊秩字體若自命不凡爲州諸生事母至孝崇禎間

奉母避賊城中未幾城陷負母以走會母於旅舍以病卒附身附棺造次皆備賊退扶襯歸里時大旱舟膠不得進秩仰天大慟七晝夜哭聲不止越日雨驟至四野霑足人咸謂之孝子雨也

易爲豫字二如號臨臯州學生獻逆屠蕪豫被掠繫賊營號泣思親水漿不入口賊長溫仲元曰此孝子也命釋之豫歸闔門俱盡尸骸暴露拮据殯葬悉準于禮康熙十一年蕪饑人多流亡豫捐穀四百餘石又請于大憲發倉粟賑之保全甚衆藩憲

徐公惺馳扁褒美康熙二十九年鄉飲介賓

陳助中字右文諸生居父喪盡禮時賊寇斬助中同
母暨弟避山中母卒遺囊金甚厚弟甫四歲賊至
捐金負弟以逃後弟繼伯父嗣田園僕婢復分以
已之半

李本甲字幼萌州諸生父挺母曹恭人皆以寇亂抗
節死甲事兄本晟甚謹省兄雲南藩署言先塋數
失宰木兄恚甚歸譴於僕僕辨甲亦辨本晟叱僕
跪甲以爲叱已也亦離席跪本晟掖之起且釋僕

本晟卒於浙撫甲匍匐喪次哭之慟尋卒雅工
小楷雖登記不苟

顧謙字自素問曾孫專心誦讀與兄咸泰日講學不
輟後咸泰令大名縣代兄檢家政課子姪以義方
張錫疇字叙九心正長子州諸生性淳慤敦行孝友
與弟錫爵析箸數十年每譙集必盡歡終其身無
諍語臨卒囑其少子曰汝第爲先人修墓置產族
戚貧乏者助其嫁娶吾願足矣後皆如其言

陳其芳字孟培力學能詩文家傳孝友常以孝友訓

俗晚乃一杖自隨庭內肅然州牧高舉鄉飲賓
張繼發字克昌諸生父尚騏明諸生家饒樂施繼發
少時卽成父志置一米倉於廳右自權其出以拯
老疾賊陷父死於難繼發年十二爲賊所執留養
營中乘賊睡潛逃賊平復故業立古柏軒義塾以
勸學慟父遇害每飯必祭年八十卒

蔡于燕字平若號水素幼穎慧喜讀書年十二父母
相繼亡于燕居喪號泣之聲不絕旣葬廬墓卽墓
廬讀書年十九補諸生尋食餼品詎爲士林推重

劉守忠字君愛諸生篤行孝友兄弟同爨六十年率
子姪以正

陳師儻字士美諸生時值兵燹甫熄族人多苦轉輸
儻獨任不爲攤派康熙癸卯歲饑捐穀數千石以
周族里之貧不能贍者

王永壻字載侯號坤菴性孝友母年九十壻依依孺
慕與伯兄永垣仲兄永圻愛敬彌篤以文行受知
於于清端公公爲顏其堂曰孝友傳家由諸生貢
成均授縣丞未仕年七十五卒

汪存濟字洪普號澤菴州諸生事繼母段以孝聞有
從兄避亂出亡濟遠訪滇南遇兄偕歸故里割已
產之半予之著有滇南錄

王欽猷字思承號敬亭積學能文以明經老季弟亮
猷早世弟婦易志守節欽猷以子開畿嗣之教
兄子開泰入詞垣開運開藩開銓皆登科甲子開
翰超儒另傳

張錫爵字賜侯州諸生心正次子家世孝友篤於文
行闔州公舉鄉飲賓已啟請會兄許至辭不赴髦

蘄州志

卷之十一

孝友

九

益嗜學讀書至夜分不倦築別墅顏曰尋樂與族
里約立文壇一時多宗之

陳以德號坤若州諸生事母郁氏以孝聞族推爲長
講明本源之誼建祠修譜爲族屬觀型者四十年
陳道亨字和王性至孝雖亂離中事親不缺其旨癸
未全家載糧艘泊鴻宿洲急趨南畿得免 國初
州試第一補諸生晚與友朋文酒讌飲每擊節狂
歌發其胸中蘊蓄

李生桂字涵秋州諸生偕弟生采生梅事繼母諸氏

撫幼弟生樂綜理家政內外肅如善恢諧有晉人風

黃天福字錫五歲貢生少能文尤篤行訟事親以孝聞友愛兄弟無間言族有貧乏者咸見收恤選蒲圻訓導以老辭構軒課子姪吟咏自適有棲鳳堂詩集

湯光明字被四有孝行由期功以降至同宗罔弗親睦州稱孝友之家輒推湯氏子力忠拔貢生

胡啟相字皇錫州諸生讀書數行下晚年病目猶口

蘄州志

卷之十一

孝友

授諸子姪尚書講義及家規十二則

程盛德字弘執州諸生兄弟友愛七十年不析箸理戶事闔族賴之

王鉞字鼎又故家子性敦孝友處家庭間和藹可親嘗傾囊以應族人臨終時貸券悉焚

陳材選字元錫以德長子州諸生父年老材選出入必侍卧起不離父歿依柩寢居爲諸弟倡孝稱益著

易時用字放六州諸生性敦孝友父母病衣不解帶

長兄時敏恩貢次時憲舉人奉命唯謹終歲坐書齋如處子著有一樂軒集

陳贊元字與參國棟次子幼肆力於學童子試時已擅文名比長爲州諸生累試不售入北監考授州判性孝友事兄肇元若嚴師析箸後事無巨細存稟命而行生平輕財好施遇人緩急輒解囊無吝素善形家言嘗欲於溪南建巨閣以收風水暨由鄉達城石路以便行人年四十餘賫志歿妻熊氏以次經營克成其志

李永慶字來譽儀表俊偉喜吟咏工舉子業銓次州佐未仕州牧華公文振郡守孫公爾振以孝友端方申薦因母病辭不赴母卒哀毀廬墓卒年六十二著有平泉詩集

張作梅字梁舟太學生性冲和不立崖岸然必以禮自飭或事出非分視之恬如也與兄作楫弟協占友于敦篤人無間言值歲饑輒貸佃民牛種賴以舉火者甚衆

李永芬字紫榮號慕軒州增生七歲執父喪哀毀如

成人事節母金氏備極孝養母卒茹蔬三年從兄弟析箸有負債者代償之姑母適韓而寡芬貸餉數十年姑老病將死遺銀餅數枚其姑之嗣子莫知也袖還之乾隆二年舉孝廉方正

王學古字優仕由廩生貢太學考職縣丞與族兄紹尼相友愛尼卒以孤託焉學古經理其家撫孤如已子及長反其家業倍於前生平勇於赴公如修文廟及架橋治道雖傾囊不惜

龔必成字孔集好讀書入府庠明季之亂艱險倍歷

侍父繼時得免於害時稱其孝

胡鍾羹字汝梅幼失怙候母膳畢乃食夏驅蚊冬溫被每出必告所在母歿往來墓前必呼拜至老不忘駱駝山路甚崎嶇羹捐修以利行人

陳部字爾咨諸生年十六抱四齡弟出兵火中艱苦備嘗後皆成立振家聲

何中興字繼武篤於孝友家百口共食庭無間言族人疎遠者嘗賴以舉火

王上選字銓士號松菴志博第四子穎敏強記少應

童子試屢蹶遂謁太學考縣佐家居善繼父志輕財重義修廟學刊族譜諸首務皆踴躍董其成晚於室之西南隅築亭園植松署其門曰松園書宋儒格言訓子若孫四方名碩往來唱和藉以娛老家傳孝友云

陳於校字名夏號忠甫由諸生就例貢遵父贄元遺訓事母熊氏待兩弟以孝友聞擁書據案課諸子甚嚴每歉月平價出糶以卹鄰里母多善舉皆踴躍襄其成年六十有八依依孺慕得老母歡

吳璘字叔璠士龔第三子早失怙事母陳氏及兩兄甚謹年三十不續娶篤行孝義雍正五年荒出穀賑饑嗣置本族義田歲租百石年六十三卒

高益宣字勅萬溫處道培之孫兄溥弟益龔先後爲諸生益宣不與家事讀書蓮池別業恂恂若處子惟祖訓是程

李能遴字克繁幼而孤克自成立從姪芳華失怙恃無所倚能遴收養如子教讀成婚并予產屋生平多篤一本之誼職吏未仕卒

駱呈情字萬吉國學生克武冢子。至孝。與弟萬鍾萬方次愷同爨四十餘年。庭無間言。捐四百餘金修分路街以利行人。鍾尤好施。與每遇歲饑穀必減價窮民負欠者輒焚其券。鄉里稱爲一門孝義。

李由夏字莫川太學生。性至孝。父病嘗父糞。慟幾絕。及歿廬于墓。每一悲號行路心側。母夏氏病露。悵求代病。尋愈。平居事親出告反面。飲食必躬。親凡時物未進。父母不敢嘗。與從兄由虞同以孝行稱。

方有夔字以玉。父汝德爲州諸生。以篤行稱。有夔克承父志。友愛兄弟。無間言。托形家術。放浪山水。鄉人目之爲隱君子云。

王東山字積長。號魯崖。弱冠喪母。哀毀骨立。事繼母尤極承順。伯兄早逝。僅遺一女。山愛憐之。三弟如曜。年未三十卒。孤姪德鈺甫三齡。山撫養過于己子。乾隆丙辰。閩州公舉孝廉。方正。

李永庚字西有。性純孝。遺家中落。授徒以養老父。家人雖恒饑。父不知也。婦湯氏亦善體庚意。

王琮字廷瑞號靜菴康熙癸巳舉人篤孝友接物和藹然遇非道輒義形於色鄉里莫不敬憚幼侍養於伯父元吉事之如父飲食必奉出入必隨所志必爲曲致終元吉之身不少變以文義課諸子姪皆成令器焉

何樞字萬瞻太學生天性孝友收卹宗族不能嫁娶者捐金助之俾得完聚戊子饑指困賑給復捐義田十石永資寒儒前州牧轉申藩憲旌其門第

李廷楷字範遠國子生力學能詩文敦崇實行嘖笑

不苟事繼母以孝聞晚年急州中公事樂育堂忠孝祠皆捐金志于石年七十三卒

朱性字成存公安縣訓導事王母先意承志友愛弟忻教以成立壽躋百齡

陳欽璋號莊崖性謙厚有雅量篤行孝友昆季五父歿所遺田宅交讓之陳氏族故繁舉璋爲戶長家政肅然夙好讀書以諸生老

李永耆字依仁剛方樸寔重氣誼所行必軌于正家貧力學事節母邱氏以孝聞督學宋得其試卷激

賞之賚志沒

陳法騫字二閭敦行孝友事繼母三十年無間言兩兄早世撫遺孤成立鄉人義之

李敷生字方佑一字奏巡貢生少能文尤崇信義伯父永昇卒妾葉氏與敷生母顧氏同起居凡服食禮儀事之與母同歷四十餘年不懈

王興鑑字德操幼執父喪若成人母病鑑依依牀第母沒廬墓遂不復應試事諸兄甚恭三兄鈞無子歿家中落鑑經紀其喪割已產膳其嫂以次子世

澠嗣之

童心純字肇勗州庠生克承父志一日父出祖父暴病心純割股以愈晚好施年荒出穀時疫施藥多所存活

駱負圖字義則博文強記過目不忘事親左右就養寢處必侍父歿依柩側三載修家譜親督其事通族賢之

李大生字暎寰州諸生少事父母以孝聞值母病諸弟幼大生晝夜哭泣兩目盡盲禱於文昌神夜夢

神語吾哀汝孝起汝母痊汝疾翌日母病愈大生
目亦瘳聞者奇其事

余載廣字應煌性至孝父病危割左股煮糜食之愈
未幾母病割右股和羹妻汪亦割股進弗瘳兩親
繼逝廣如孺子哀塊苦三年不入內前牧王舉為

田峻官

王夢穗字對書早失怙折節讀書至廢餐食善屬文
期無負母教誓志奉妻陳氏守節

蔡明璋字莪士州清生性孝友父病為父嘗糞母病

割股叔父負債逃亡罪累瑋父親籠獄中瑋自其
寃事竄復假乞丐訪求叔父過于懷字馳歸中分
已產事之如父

鄭啟達國柱子男婦百口繼服同羹食無異饌家無
私蓄鄉里推為義士

王球字琳先號淡齋郡 恩貢生四歲失怙凡事悉
遵母教兄卒遺孤一兄臨終託之球撫至成室又
卒姪孫媳守制球又撫曾孫孫相終不負兄託

正
直

法語之言人猶從之矧以身率物與上者服其教次亦畏其知裨益風化久矣老成典型至今存可也

明

王恭字德溫方正不阿人有假貸不償者輒焚其券子翰歷敷中外所在稱骨鯁人以為有德溫之風焉孫儼歷任知府

史朝貞號介臺中萬歷戊子京闈鄉試負性剛直官成歸里與人言色不苟時事有不便者輒持正議爭之無所避諱鄉里多倚賴而執政亦增畏敬焉

新州志

卷之十一

正直

大

陳華字仁所州諸生潛心于學詩文力追漢唐善訓俗時稱古君子

孔庭訓字聞卿州諸生少負雋才李少司馬及副憲公甚器之諸子姪奉為師生平篤氣誥惡惡甚嚴落落寡所與萬歷丙辰大司農吳公長谷倡議築浮玉磯建文昌閣紳士推訓為首事云

陳禮號瑞菴少通經史善屬文年十六郡試第一補諸生鄉闈屢躋遂杜門却掃風族以正

嚴政荆府醫士家貧甚好學能詩出入府禁一無所

苟荆國重其爲人以田給之年九十卒

陳一元字不息郡諸生其父仁民以疾解組伏枕八
年一元善養之人咸稱孝好古籍謝絕賓客言笑
一無所苟

沈士望字公輔州諸生才學優長留心時務崇禎間
詣闕上書名見授兵部叅軍詳顧黃公沈生行載

藝文志

陳信號恂齋恂恂謹飭雖獨處必正襟危坐無跛踦
容弟書年十八爲諸生窮經至嘔血不輟兄弟學

行爲時所重云

胡其志字存雅太學生夙負氣節遇事抗直敢言癸
未避賊於蘓家山被執其志曰釋我妻子奉母歸
吾願荷戈賊許之行至五里腦默計母可免乃罵
賊死妻張氏撫子世煜世炳以節終

陳其効字無功號勤菴讀書數行下爲州諸生有聲
明季賊陷避亂于脾石地方慷慨悲歌坐水中而

死

陳其瑜字拱珍存心仁厚居渴口鎮路當孔道兩苦

泥濘出貲數百金修石路建石橋又貧死無殮者
施與喪具捐河西地十餘畝爲義塚山遠近德之
明季死於賊

國朝

張效鍊字治仲思齊孫以副榜授浙江平湖縣丞人
不敢干以私署桐鄉縣篆值歲饑開倉發賑然後
上聞去桐日民勒石紀政後解組歸以正自守梓
里憚之

王協字恭男號約菴雋才博學由明經授華亭令疎

蕪州志

卷之十一

正直

五

狂自喜不顯任吏偶與當事齟齬遂拂衣歸居蕪
城之南山以詩文自娛著有約菴集

熊轍字復由幼讀書敦氣節不苟委蛇于時弱冠爲
諸生時多寇難棄筆硯學劍談兵爲左右射崇禎
癸酉丙子兩中武榜授南京守備練兵訓卒慨然
以疆圉爲任

劉匡生字生生正直好義鄉里咸倚重之中順治甲
午鄉試未仕卒子戩諸生孫文起康熙己卯舉人
文超歲貢生曾孫价丁酉舉人

韓宗愈字又昌總兵友次子

恩廕廣西陽

性剛直不屑夤緣當事會吳逆兵起愈抗節不屈
死妻李扶柩歸葬

劉遐祚字青子號菊潭康熙癸卯舉人授鄖西教諭
以外艱歸補興國州學正諸生有盧姓爲仇家誣
陷遐祚自其寃得脫盧酬以金拒不受陞常德教
授辛酉爲貴州同考官所得皆知名士後補銅鼓
衛教授所歷皆以品行文章相砥礪著有扇和堂
等集子崙峒嶠嶠俱諸生孫萬寧舉人現任石首

蕪州志

卷之十一

正直

三

教諭

張正鼎字若鉉增生弟正鼎早逝姪啟疆甫數齡正
鼎撫而教之登康熙乙酉賢書族戚有急常傾囊
以助極力幹濟雖瀕于危不悔捐產作通族祀田
綜理家政庭內肅然子三啟翼另傳

馮以泰字彙升大司寇天馭曾孫州學生性端方兄
弟以詩文相砥礪制行悉遵祖訓弟以觀由拔貢
任常寧教諭子煥州學生焜諸生姪炯康熙乙酉
副榜

吳善玉字百美太學生操行耿介率子弟以正尤樂
施與里中農有苦無牛者輒買與之嘗載麥泊陳
子鎮值水荒貧民絕食持券乞貸者百餘家玉慨
應之如期往貸者貧難給也遂火其券以歸

王志搏字公遠爲諸生不得志於主司赴國子考授
佐郎尋以疾歸督家政課四子皆成名居常善決
事不少阿曲戚里有屈於理者畏其知好施與出
貲建滯源口螺絲港二涼亭及橋路行旅德之北
上時有婦泣于路詢之乃貧家婦也夫亡翁姑將

嫁以自膳訪諸鄰如其言遂見其翁而慨然厚與
之囑成其志衆皆感而泣謝焉

張爵字浴亨郡諸生氣概豪邁不拘繩尺然諾取與
雖小必斷以義聞人過輒面責無隱人亦不憾一
時比之王彥方云

陳國棟字懷玉號待菴年十三失母哀感如戒人家
隸衛籍順治癸巳經畧洪承疇督師湖南路催漕
急特國棟年甫冠侍其父挽蓮涉大江洞庭之冷
風惡與湖神盟願就溺無驚乃翁少頃風

患鄰舛

穎之比歸乃折節讀書入州庠性方嚴

不苟同流俗晚年蒔花種竹招集名流咏歌忘倦

年六十七無疾卒

陳正諒字右商號純菴剛直公平不阿流俗中康熙

甲子鄉試授辰州府沅州學正當事有缺失正言

不諱以丁艱復補授棗陽教諭致仕歸鄉里咸畏

重之

田際泰字亨若號端巖郡增生素行端潔族里有紛

爭一言解之皆帖服晚乃葛巾芒履逍遙遊咏有

新州志

卷之十一

正直

三

古君子風

黃錦字雲織爲人有膽畧尚氣節不踰繩尺崇禎癸

未賊陷新州大肆屠戮錦被執不屈賊壯而釋之

順治初爲州諸生四子皆著名

呂呈瑞字輯五文名噪蘄黃間性方嚴倜儻多才排

難解紛不遺餘力由例貢授訓導未仕卒子玠另

傳

王藻字秀友州諸生以正自守族黨有爭賴其一言

康熙癸未舉鄉飲介賓州牧劉頰其堂曰今之彥

方

張世升字泰瞻號岱巖承瑞子年十六爲諸生隨父
歷任閩魯歸日囊橐蕭然閉門守寒素風性直常
面折人是非族黨憚之教四子極嚴出入坐立不
假聲色

陳欲瑞字觀牧太學生學博常之四子好古能文書
法尤工篤施與里中貧不能娶者輒解囊助性質
直風族屬以正家政肅然

陳正經字綸章太學生少有籌幹讀書明大義然諾

新州志

卷之十一

正直

十四

取與雖小必出于正年十五代父理戶事爲族人
輸丁費三十年會各屬丁隨糧派經力勦其事爲
士民倡州人德之子履中乾隆乙丑進士任貴池
知縣

王鎬字夔韻號西周永圻次子貢生少能文晚工書
法遊歷江淮貴介咸推重之授荊州府學訓導以
老辭

馮熹字彤友天馭元孫州學生臨事不苟族人矜式

上叔父及弟姪輩捐銀佐修學宮

事以優行舉

陳肇元字普資州學士數躓棘闈遂援例入成均考授縣丞廣交遊重然諾每值歲饑輒減價出售未任卒

張正問字蒙清嘗讀書城南鉢蓮菴至夜分不寐俯憫之暗為驅蚊弗覺也中康熙癸巳鄉試分習刑部清勤供職守正不阿以勞瘁疾卒

陳治猷字贊侯號抒懷士眉長子由貢生授應山教諭歷任三載以正自守不私請謁修學宮獎拔英

俊邑有陳生者貧而嗜學年五十未娶適生往江南適蘄治猷父以四十金贈生生夫駭曰兒書問申有請助藉娶語勿御也遂得娶以歸子文獻縣丞父漢光禪寺耆正

張溥字廷瀾號靜菴諸生少嗜學苦趨不苟建義塾謀築族秀其給食者以膏火復捐金置祀田春秋餘貲存濟族人

王有信字玉誠號恪齋貢生少失怙奉母無違禮教弟以罪累素不費而節使視義為贏縮時州多

建如修學宮濬隍渠諸務捐千金不惜

王有斐字復衛號竹齋少失怙事兄甚謹援例候選
州同教五子寬嚴有方皆成材性尤好施歲饑減
價平糶以濟閭里累捐多金以襄公事乾隆甲子
舉鄉飲大賓

張杓字魁先由例監考授縣丞負氣節英資磊落臨
事不苟遇人有機辨一以情理折之靡不帖服行
誼爲鄉里所重

張協占字咸卜號吉菴州諸生丰采踔厲能文章歷

試不遇閉戶著書自娛乾隆甲子公舉鄉飲介賓
州牧蔣重其人爲給扁

湯周明字融遠號坦菴太學生家世素封抗直有幹
畧見義輒勇爲收卹族鄰常待舉火尤重文章氣
諒周明卒州士夫暨宗族鄰里咸爲之哀輓

陳於梁字奕山年十六失怙事孀母以孝養得其懽
心佐兄理家政事無大小悉稟命行友愛季弟尤
爲篤至由太學考授州同性好施予每值歲歉指
困廩減價以糶族黨中貧不能舉火者周給之無

德色家本術籍屯務瑣細勾稽出納一稟于公遇人無少長胥遵禮法

王世泓字希曾號蓮溪州學生負雋才沉潛經史與李生槃善日夕往還課詩文暇卽揮麈佐飲相誠勿預外事雍正己酉以優行舉

士鎮字藩臣少攻舉子業試輒前茅旋援例入太學爲人慷慨急公州當事每有剏建多資其力樂施予每歲必合藥煎膏以療人疾苦歷三十餘年不懈

黃載安字東鎮號墨齋太學生精秦漢篆著有印原十册生平取與不苟急於公事州牧多委任之修學宮濬隍渠及書院諸務載安經營如家事勞瘁卒

李澤湘字荆南性方正嘗謂讀聖賢書期于能行生平言行必法交遊不苟母病不寢不食及卒以哀毀致嘔血尋卒于苦次妻邱氏勵志苦節撫二子成立

張燕字名儼太學生操行耿介有古君子風處族黨

以身範物不失尺寸人有過失私畏其知孝事母
扶持抑搔必敬嘗修合濟橋與陳欲珍共捐金數
百

張翼字仲恕士淑曾孫以歲貢授咸寧訓導蒞任後
約學條數則以身先之士習蒸然丕變尋以疾卒
于官

王思孟字近聖州學生爲文有逸氣兼工詩賦制行
端方里中優禮之延課子弟研究無虛晷

張世珖字映璧由太學生考授縣丞性剛直爲族里
所憚服生平樂施與歲癸亥大饑珖竭廩穀平價
以售州牧給額獎之

張元勳字翼周州諸生性直不可犯慷慨好義族鄰
有公正稱

胡鼎元字登二州諸生與知名士相砥礪學益大進
選言擇地動遵禮法

駱呈玟字輝吉以正自守取與分明設家塾延師課
子不聞戶外事

張瑗字則玉太學生居嘗寡言遇排解紛爭輒持正

論屈者畏服

胡璠字璠公州諸生自幼不與羣兒伍父母鍾愛之
下帷攻苦期振厥家

陳聖壽字子寧州諸生母歿父理家政常抑鬱聖壽
善承慈旨得歡心婦克相之晚益以正直著

張為煥字光海太學生皆謂讀聖賢書知之非難行
之惟難篤行諍然諾不苟

張國翼字雲翥諸生性剛直人莫敢以非分犯有爭
者質之輒解為州牧李所知欲以優行薦會李擢

撫州郡丞去旋卒翼赴賻千里且請其政蹟以傳
晚鑿靈巖寺險以利行人子貴舉鄉飲剋

陳鏡字叙洪杜門不與外事嘗書文公家訓及諸格
言以自警鄉鄰推重

陳祝古字鏡書太學生理家政俾諸弟得肆力于學
為人公平正直族鄰推服

易德道字陶希父時憲門下多修善道砥礪以成
其學因素善病遂精岐黃衛生平以禮自持舉動

田用中字斯舜太學生幼及父母喪皆如禮事兄如父
率子姪以正與兄俱合捐田助書院膏火

裴天明字才高有貧家警婦天明給貲完聚之子向
化並給田數斗康熙間天明舉鄉飲賓

陳鰲號普菴太學生爲房長以正服人修廟學分督
門沼等工多所捐墊詳碑記

陳琛字憬菴州貢生性剛正不阿流俗族里事多就
正抱曲者望廬而返兄歿撫姪如子

汪鵬字元龍號騰九勤學敏於文中康熙丁酉舉人

性方嚴族里咸敬憚之揀選知縣未仕卒

熊慶源字衍長穎敏力學弱冠受知於太守康以大
器卜之中雍正乙卯舉試有介行揀選知縣未仕
卒